



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՖԵՐԻԿ ՀԱՄԱՅՆՔԻ
ԱՎԱԳԱՆԻ

ՆԻՍՏԻ N3

ՈՐՈՇՈՒՄ

25 մարտի 2024 թվականի N10-Ա

ՕՐԱԿԱՐԳԸ ՀԱՍՏԱՏԵԼՈՒ ՄԱՍԻՆ

Ղեկավարվելով <<Տեղական ինքնակառավարման մասին>> Հայաստանի
Հանրապետության օրենքի 14-րդ հոդվածի 6-րդ մասով.

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է՝

1. Հաստատել համայնքի ավագանու թիվ 3-րդ հերթական նիստի օրակարգը՝

համաձայն հավելվածի:

2. Սույն որոշումն ուժի մեջ է մտնում ընդունման պահից:

Ավագանու անդամներ՝

Կողմ

դեմ

ձեռնպահ

1. Արասյան Քյարամ Զորբայի

2. Քալաշյան Թոռոն Ամարի

3. Շամոյան Մաջիր Ազիրի

4. Շառուն Զոհրաբ Մամեի

Համայնքի ղեկավար՝



Ռ. Հասանյան



ՀՀ Արմավիրի մարզի Ֆերիկ
համայնքի ավագանու
2024 թվականի մարտի 25-ի թիվ 3
նիստի որոշման N10-Ա

ՀԱՄԱՅՆՔԻ ԱՎԱԳԱՆՈՒ ՆԻՍՏԻ ՕՐԱԿԱՐԳԸ

1. ՕՐԱԿԱՐԳԸ ՀԱՍՏԱՏԵԼՈՒ ՄԱՍԻՆ

Զեկ. Ռ. Հասանյան

2. ՖԵՐԻԿ ՀԱՄԱՅՆՔԻ ԱՂԲԱՀԱՆՈՒԹՅԱՆ ԻՐԱԿԱՆԱՅՄԱՆ ԿԱՐԳԸ,
ԱՂԲԱՀԱՆՈՒԹՅԱՆ ԵՎ ՍԱՆԻՏԱՐԱԿԱՆ ՄԱՔՐՄԱՆ ՄԻԵՄԱՆ ՀԱՍՏԱՏԵԼՈՒ ՄԱՍԻՆ

Զեկ. Ռ. Հասանյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՖԵՐԻԿ ՀԱՄԱՅՆՔԻ
ԱՎԱԳԱՆԻ

ՆԻՍՏԻ N3

Ո Ր Ո Շ ՈՒ Մ

25 դեկտեմբերի 2024 թվականի N 11-Ա

ՖԵՐԻԿ ՀԱՄԱՅՆՔԻ ԱՐԲԱՀԱՆՈՒԹՅԱՆ ԻՐԱԿԱՆԱՑՄԱՆ ԿԱՐԳԸ,
ԱՐԲԱՀԱՆՈՒԹՅԱՆ ԵՎ ՍԱՆԻՏԱՐԱԿԱՆ ՄԱՔՐՄԱՆ ՍԽԵՄԱՆ ՀԱՍՏԱՏԵԼՈՒ
ՄԱՍԻՆ

Ղեկավարվելով «Տեղական ինքնակառավարման մասին» Հայաստանի
Հանրապետության օրենքի 18-րդ հոդվածի 1-ին մասի 20-րդ կետով,
«Աղբահանության և սանիտարական մաքրման մասին» Հայաստանի
Հանրապետության օրենքի 10-րդ հոդվածի 4-րդ մասով, 13-րդ հոդվածով.

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է՝

- Հաստատել Հայաստանի Հանրապետության Արմավիրի մարզի Ֆերիկ համայնքի աղբահանության իրականացման կարգը՝ համաձայն հավելվածի 1-ի:
- Հաստատել Հայաստանի Հանրապետության Արմավիրի մարզի Ֆերիկ համայնքի աղբահանության և սանիտարական մաքրման սխեման՝ համաձայն հավելված 2-ի:
- Սույն որոշումն ուժի մեջ է մտնում ընդունման պահից:

Ավագանու անդամներ՝

Կողմ

դեմ

ձեռնպահ

1. Աբասյան Քյարամ Զորբայի

2. Քալաշյան Թոռոն Ամարի

3. Շամոյան Մաջիր Ազիրի

4. Շառուն Զոհրաբ Մամեի

Համայնքի ղեկավար՝

Ռ. Հասանյան

ՀԱՎԵԼՎԱԾ 1
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐՄԱՎԻՐԻ ՄԱՐԶԻ
ՖԵՐԻԿ ՀԱՄԱՅՆՔԻ ԱՎԱԳԱՆՈՒ
2024 ԹՎԱԿԱՆԻ ՄԱՐՏԻ 25-Ի ԹԻՎ 11-Ա ՈՐՈՇՄԱՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՖԵՐԻԿ ՀԱՄԱՅՆՔԻ
ԱՂԲԱՀԱՆՈՒԹՅԱՆ ԻՐԱԿԱՆԱՑՄԱՆ ԿԱՐԳԸ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կարգավորվում են ՀՀ Արմավիրի մարզի Ֆերիկ համայնքի վարչական տարածքում աղբահանության աշխատանքների իրականացման հետ կապված հարաբերությունները:
2. Սույն կարգի գործողությունը տարածվում է համայնքի վարչական տարածքում անշարժ գույքի, այդ թվում՝ բնակելի շինության սեփականատեր համարվող կամ որևէ այլ իրավունքով այդ գույքը տիրապետող կամ օգտագործող ֆիզիկական անձանց (ներառյալ անհատ ձեռնարկատեր և արտոնագրային վճար վճարող), իրավաբանական անձանց, հիմնարկների, պետական և տեղական ինքնակառավարման մարմինների, իսկ պետական կամ համայնքային սեփականություն համարվող անշարժ գույքը վարձակալության կամ անհատույց օգտագործման իրավունքով քաղաքացու կամ իրավաբանական անձի կողմից տիրապետման դեպքում՝ վարձակալի, անհատույց օգտագործողի վրա:
3. Աղբահանությունը և սանիտարական մաքրումը պարտադիր և պարբերաբար իրականացվող աշխատանքներ են՝ օրենսդրությամբ սահմանված սանիտարահիգիենիկ կանոնների և նորմերի պահանջների պահպանմամբ:
4. Աղբահանությունը վճարովի ծառայություն է:
5. Շինարարական և խոշոր եզրաչափի աղբ առաջացնողները ազատվում են աղբահանության վճարից, եթե նշված աղբը փոխադրվում և տեղադրվում է սեփական միջոցներով՝ համապատասխան թույլտվության հիման վրա կամ համապատասխան անձանց հետ օրենսդրությամբ սահմանված կարգով կնքված պայմանագրի հիման վրա:
6. Համայնքի ավագանին կարող է սահմանել աղբահանության վճարի արտոնություններ առանձին կատեգորիայի անձանց համար: Համայնքի ավագանու կողմից անհատական արտոնություններ սահմանելն արգելվում է:
7. Աղբահանության և սանիտարական մաքրման հիմնական նպատակները և գործընթացի կազմակերպման սկզբունքներն են՝

- 1) մարդու առողջության և շրջակա միջավայրի վրա աղբի բացասական (վտանգավոր) ներգործության նվազեցումը և չեզոքացումը.
- 2) բնակչության համար հարմարավետ և էկոլոգիապես անվտանգ պայմանների ապահովումը.
- 3) տարածքների աղտոտման, աղբակույտերի առաջացման անթույլատրելիությունը և տարածքների մաքրումը աղբից.
- 4) աղբահանության և սանիտարական մաքրման վերաբերյալ տեղեկատվության մատչելիության և հանրային իրազեկվածության ապահովումը տեղական ինքնակառավարման մարմինների կողմից:

2. ԱՂԲԻ ՀԱՎԱՔՄԱՆ, ՊԱՀՄԱՆ, ԱՂԲԱՄԱՆՆԵՐԻ ՏԵՂԱԴՐՄԱՆ ՎԱՅՐԵՐԸ

8. Կենցաղային աղբը հավաքվում և (կամ) պահվում է համայնքի ընդհանուր օգտագործման տարածքների՝ այդ նպատակով հատուկ սահմանված կամ նախատեսված տեղերում և համայնքի կամ օպերատորի տրամադրած տարողություններում՝ աղբամաններում կամ կոնտեյներներում, աղբախցերում՝ սահմանված սանիտարահիգիենիկ կանոնների և նորմերի պահանջների պահպանմամբ:
9. Աղբամանները տեղադրվում են բնակելի և հասարակական շենքերից ու շինություններից ոչ պակաս, քան 15մ և ոչ ավելի, քան 100մ հեռավորության վրա: Պուրակներում, զբոսայգիներում աղբամանները տեղադրվում են մարդկանց զանգվածային կուտակման վայրերից ոչ պակաս, քան 50մ հեռավորության վրա:
11. Աղբամանները տեղադրվում են բնակելի (առկայության դեպքում) և հասարակական շենքերի ու շինությունների բակային կամ միջբակային տարածքներում՝ փոխադրամիջոցների մոտեցման համար հարմար դիրքով: Աղբամանները չեն տեղադրվում փողոցների մայթերի և սիզամարզերի վրա:
12. Աղբը պետք է փոխադրվի մինչև աղբամանների ամբողջությամբ լցվելը:
13. Աղբահանությունը իրականացնում են մասնագիտացված և (կամ) օրենքով չարգելված այլ կազմակերպություններ:
14. Կոնտեյներներից կամ աղբամաններից աղբը հեռացնելու ժամանակ աղբահանությունն իրականացնող կազմակերպության կողմից մաքրվում և տեղափոխվում է կոնտեյներների հարակից տարածքի աղբը: Աղբահանության ժամանակ տեղափոխվում են նաև աղբակույտերը և տերևակույտերը:
15. Աղբատար փոխադրամիջոցների թափքերը ախտահանվում են աղբաթափման վայրում՝ աղբահանությունն իրականացնող կազմակերպության կողմից՝ ախտահանիչ լուծույթներով:

16. Աղբամանները տեղադրվում են ավտոկանգառների, հասարակական տրանսպորտի կանգառների, առևտուր իրականացնող օբյեկտների մուտքերի մոտ, զբոսայգիներում, պուրակներում, շուկաներում և այլն:

17. Կրպակներում առևտուր իրականացնող սուբյեկտները իրենց հարակից տարածքները պահում են պատշաճ սանիտարական վիճակում:

18. Բնակելի շենքերի (առկայության դեպքում) առաջին հարկերում տեղակայված առևտրի և սպասարկման օբյեկտների մուտքերի հարակից տարածքները պահվում են պատշաճ սանիտարական վիճակում, չեն կուտակում ապրանքների արկղեր կամ ավելորդ իրեր, սպառման թափոններ և շինարարական աշխատանքների ընթացքում առաջացող թափոններ:

19. Չի թույլատրվում՝

1) աղբը պահել և թափել դրա համար չսահմանված կամ չնախատեսված վայրերում

2) սպառման թափոնների այրումը,

3) խոշոր եզրաչափի աղբ (երկու և ավելի քառակուսի մետր զբաղեցնող խոշոր կենցաղային և ոչ կենցաղային սարքավորումներ, այդ թվում՝ տրանսպորտային միջոցի հենասարք, թափք, մետաղական ջարդոն, էլեկտրատեխնիկական սարքավորումներ կամ այլ նմանատիպ իրեր) թափելը,

3) մարտկոցներ, էլեկտրական կուտակիչներ, էլեկտրալամպեր, էլեկտրոնային ապրանքներ, գրաֆիտային էլեկտրոդներ թափելը,

4) կենսաբանական թափոններ (կենդանական ծագման պարենային և ոչ պարենային հումքի վերամշակումից ստացված թափոններ, ինչպես նաև անասնապահական, թռչնաբուծական և ձկնաբուծական ձեռնարկությունների գործունեության հետևանքով առաջացած թափոններ) թափելը,

5) շինարարական աղբ թափելը,

6) անվադողեր թափելը (բացառությամբ հեծանվի դողի),

7) տրանսպորտային միջոցից աղբ նետելը,

8) աղբի համար նախատեսված վայրում տեղադրել սատկած կենդանու մարմին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՖԵՐԻԿ ՀԱՄԱՅՆՔԻ 2024
ԹՎԱԿԱՆԻ ԱՂԲԱՀԱՆՈՒԹՅԱՆ ԵՎ ՍԱՆԻՏԱՐԱԿԱՆ ՄԱՔՐՄԱՆ ՍԽԵՄԱ

h/h	համայնքի բնակավայրերի անվանումները	Ծառայության իրականացման շրջանակը	Ծառայության իրականացմա ն օրը	Ընդհանուր երթուղու երկարություն ը (առանց աղբավայրի ուղեգծի)	Բնակչ ության թիվը
1	Ֆերիկ գյուղ	Աղբի հավաքում և տեղափոխում յուրաքանչյուր տնտեսությունից	Յուրաքանչյուր շաբաթ օր	3 կմ	488
Համայնքի տարածքում աղբահանության և սանիտարական մաքրման աշխատանքների իրականացումը, աղբի հավաքման, տեղափոխման, աշխատանքները համակարգվում է համայնքապետարանի և «Մաքրություն » ՍՊԸ-ի կողմից: - Աղբահանությունն իրականացնել օժանդակ բանվորի օգնությամբ: - Կուտակված աղբը տեղափոխել աղբավայր աղբատար մեքենայով: Աղբահանության վճար վճարողների համար աղբահանության աշխատանքները կազմակերպելու համար աղբահանության վճարը սահմանված է ՀՀ Արմավիրի մարզի Ֆերիկ համայնքի ավագանու 2024 թվականի մարտի 25-ի - «Հայաստանի Հանրապետության Արմավիրի մարզի Ֆերիկ համայնքի վարչական տարածքում 2023 թվականի համար տեղեկան տուրքերի և վճարների դրույքաչափերը սահմանելու մասին» N 24 -Ն որոշմամբ: - Աղբահանության և սանիտարական մաքրման աշխատանքները ֆինանսավորվում են Ֆերիկ համայնքի 2024 թվականի բյուջեից.					